



Broj: JN1/03-50-5-24/23
Sarajevo, 01.09.2023. godine

Na osnovu tačke IV stav.1 Odluke o osnivanju Centra za uklanjanje mina u Bosni i Hercegovini («Službeni glasnik BiH» br. 15/02 i 44/16), člana 61.stav (2) i 101. stav (2) Zakona o upravi («Službeni glasnik BiH» br. 32/02, 102/09 i 72/17) i na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama («Službeni glasnik BiH», broj 39/14 i 59/22), na preporuku Komisije za javne nabavke (u daljem tekstu: Komisija) broj: JN1/03-50-5-24/23 od 30.08.2023. godine, direktor Centra za uklanjanje mina u Bosni i Hercegovini- BHMАC (u daljem tekstu: Ugovorni organ), donosi:

ODLUKU

o izboru najpovoljnijeg ponuđača u postupku javne nabavke materijala
LOT 2 – Kancelarijski materijal

Član 1.

(Predmet Odluke)

Prihvata se Preporuka Komisije broj: JN1/03-50-5-24/23 od 30.08.2023. godine i ugovor za javnu nabavku materijala **LOT 2 – Kancelarijski materijal** dodjeljuje najpovoljnijem ponuđaču:

Defter d.o.o. Sarajevo za ponuđenu cijenu u iznosu od **7.424,80 KM** bez PDV-a, odnosno **8.687,02 KM** sa PDV-om.

Član 2.

(Dostavljanje dokumentacije)

Izabrani ponuđač je dužan u roku od tri dana od dana zaprimanja ove Odluke dostaviti original ili ovjerene kopije onih dokumenata koje nije dostavio, a koji su traženi u tenderskoj dokumentaciji (član 45.stav 2. Zakona).

Član 3.

(Prijedlog ugovora)

Prijedlog ugovora dostavit će se na potpis izabranom ponuđaču u skladu sa članom 72. Zakona o javnim nabavkama BiH.

Član 4.

(Objava Odluke)

Ova Odluka objavit će se na web-stranici BHMАC-a, www.bhmac.org, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

(Stupanje na snagu)

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

OBRAZLOŽENJE:

Postupak javne nabavke pokrenut je Odlukom o pokretanju postupka javne nabavke broj: JN1/03-50-5-24/23 od 13.07.2023. godine.

Obavještenje o nabavci je objavljeno na Portalu javnih nabavki broj: 1407-7-1-22-3-25/23 od 03.08.2023. godine.

Javna nabavka je provedena putem konkurentskog zahtjeva za nabavku materijala, ista je podjeljena na četiri LOT-a i to LOT 1 – Kompjuterski materijal, LOT 2 – Kancelarijski materijal, LOT 3 – Administrativni materijal i LOT 4 – Materijal za čišćenje.

Procijenjena vrijednost nabavke za LOT 1 iznosi 9.401,71 KM bez PDV-a, za LOT 2 iznosi 8.547,01 KM bez PDV-a, za LOT 3 iznosi 1.709,40 KM bez PDV-a i za LOT 4 iznosi 7.692,31 KM bez PDV-a.

Kriterij za dodjelu ugovora je najniža cijena kao što je predviđeno tačkom 12. predmetne tenderske dokumentacije.

Rješenjem broj: JN1/03-50-5-24/23 od 03.08.2023. godine imenovana je Komisija za nabavku materijala koja je provela predmetni postupak.

Krajnji rok za dostavljanje ponuda je bio 16.08.2023. godine u 11:00 časova, a javno otvaranje ponuda je izvršeno istog dana u prostorijama Centra za uklanjanje mina u BiH na adresi Kasindolska 192, sa početkom u 11:30 časovai što je konstatovano Zapisnikom sa otvaranja ponuda broj: JN1/03-50-5-24/23 od 16.08.2023. godine, a u istom je utvrđeno da je za **LOT 2:**

- ukupan broj pristiglih ponuda, tri ponude
- ukupan broj blagovremeno pristiglih ponuda, tri ponude
- nije bilo neblagovremeno pristiglih ponuda, i
- nije bilo prisutnih predstavnika ponuđača.

Nadalje, za LOT 2, do roka koji je određen za dostavljanje ponuda tenderskom dokumentacijom, pristigle su sljedeće ponude, prema redoslijedu zaprimanja:

1. Ponuda ponuđača Aero Exclusive doo, Kolodvorska broj 12, 71000 Sarajevo;
2. Ponuda ponuđača R & S doo Sarajevo, Igmanska b.b, 71320 Vogošća;
3. Ponuda ponuđača Defter doo, Gatačka br.20, 71000 Sarajevo.

Dostavljanje Zapisnika sa otvaranja ponuda broj: JN1/03-50-5-24/23 izvršeno je istog dana, neposredno nakon otvaranja ponuda.

Nakon izvršenog otvaranja ponude i čitanja cijena navedenih u obrascu za cijenu ponude, Komisija je pristupila analizi dokumentacije priložene uz ponudu u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

U postupku pregleda i ocjene ponuda, Komisija je tokom pregleda ponude ponuđača „R&S“ d.o.o. uočila računsku grešku u Obrascu za cijenu ponude LOT 2 – Kancelarijski materijal, te je komisija u skladu sa ZJN i Uputstvom za pripremu modela tenderske dokumentacije i ponude (u daljem tekstu : Uputstvo), poslala dopis broj: JN1/03-50-5-24/23 od 22.08.2023. godine Ponuđaču u kojem je tražila pismeno izjašnjenje na ispravku naznačene računске greške. Ponuđač je svojim aktom istog dana potvrdio ispravku računске greške (akti u prilogu).

Komisija je sagledala ponudu ponuđača Aero Exclusive doo Sarajevo za LOT 2 – Kancelarijski materijal sa ukupnom cijenom u iznosu od 11.789,79 KM bez PDV-a. Komisija je konstatovala da je ponuda kompletna, ali da je dostavljena ponuda ponuđača Aero Exclusive doo Sarajevo značajno veća od osiguranih sredstava u budžetu ugovornog organa za predmetnu nabavku i da je značajno veća od procjenjene vrijednosti nabavke koja je iznosila 8.547,01 KM bez PDV-a.

Sa svim gore navedenim ponuda ponuđača Aero Exclusive doo Sarajevo je neprihvatljiva i kao takva nije mogla biti unesena u e-aukciju za LOT 2- Kancelarijski materijal.

U skladu s tačkom 6. predmetne tenderske dokumentacije, unesene su sve prihvatljive ponude za LOT 2- Kancelarijski materijal u sistem e-Nabavke. E-aukcija je provedena u skladu sa odredbama Pravilnika o uslovima i načinu korištenja e-aukcije („Službeni glasnik BiH“ broj: 66/16) a ista je zakazana na dan 30.08.2023. godine za LOT 2 u 12,00 časova.

Nakon okončane e-aukcije, a u skladu sa izvještajem o toku i završetku e-aukcije, Komisija je konstatovala da nije došlo do promjene cijena u odnosu na početne za LOT 2- Kancelarijski materijal, te utvrdila konačnu listu (izvještaj o toku i završetku e-aukcije u prilogu zapisnika) kako slijedi:

LOT 2 - Kancelarijski materijal

R.br.	Naziv ponuđača	Konačna cijena u KM bez PDV-a	Rang
1	Defter doo Sarajevo	7.424,80	1
2	R&S doo Sarajevo	8.511,56	2

U skladu sa navedenim Komisija jednoglasno daje preporuku Direktorima da donese Odluku o dodjeli ugovora za nabavku materijala LOT 2 – Kancelarijski materijal za potrebe Centra za uklanjanje mina u BiH ponuđaču:

Defter d.o.o Sarajevo, sa ukupnom ponuđenom cijenom u iznosu od 7.424,80 KM bez uključenog PDV-a, odnosno 8.687,02 KM sa PDV-om.

Komisija za javnu nabavku je direktoru dostavila Izvještaj o ocjeni ponuda s preporukom o izboru najpovoljnijeg ponuđača broj: JN1/03-50-5-24/23 od 30.08.2023. godine. U postupku ocjene provedenog postupka, direktor nije našao nepravilnosti, niti propuste u radu komisije, koji bi predstavljali osnov za neprihvatanje preporuke Komisije za javne nabavke.

Dakle, u postupku je ocijenjeno da je Komisija pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Obzirom na navedeno, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke u skladu sa članom 99. i 101. Zakona. Žalba se podnosi u dovoljnom broju primjeraka, a koji ne može biti manji od tri.

